

Քրիստոֆովիչի որդիքն, որ Հայաստանէն
եկած էին եւ ի Սէրէթ հաստատուած, յետոյ
Քարաբէլու կալուածները գնեցին:

Մալեվիչ Յովհաննէս եւ Անտոն ստացան
Մալէդինէց եւ Սդաուչէնի կալուածները:

Միքուլի Ստեփան, Յակոբ, Յարութիւն,
Նիկողայոս եւ Թէոդոր ստացան Ղասլաուց, Մա-
մորնիցա, Լուբավիցա եւ Յուրին կալուածներն,
եւ Միքուլի Լուիզ՝ Քանդաքուզինոյ իշխանէն
գնեց Եուժինէց կալուածն:

Մոշոր ընտանիքն հիմնադիր եղաւ Մոսո-
րիուքայի գաղթականութեան:

Բասաքաս գնեց Վիդէլիուքա կալուածն:

Կայեդան, Եբրահամ եւ Պետրոս Պետրո-
սեանք գնեցին Զատուպրիուքա կալուածն:

Նիկողայոս Փեդուլ հայն, որ Հայաստանէն
եկած էր, ի Սէրէթ հաստատուեցաւ. իսկ որ-
դիքն Կալիցիա անցան:

Յակոբ Միքայէլ եւ Գրիգոր Ռոմաշքան-
ներն որոնք 1792ին Մոլտաւիայէն եկած էին
եւ Չեռնովից կը բնակէին, Տոլհորուէ, Իսբաս եւ
Բուդիլլա կալուածները գնեցին¹⁸¹:

Յակոբ Սիմոնովիչ ստացաւ Ռէվաքաուց
կալուածն, եւ վերջապէս Ծատուրովիչք գնեցին
Լէնչէշդի եւ Շերբուց կալուածներն¹⁸²:

Յայսօր Պուքովինա բնակող կաթողիկեայ
կալուածատէր Հայերն ունին ի Չեռնովից Շլան-
կէնկասսէ փողոցի վրայ գեղեցիկ եւ որմնապատ
եկեղեցի մը, որ 1870—1875ին շինուած է
դրամաժողովով, եւ նուիրուած է Պետրոս եւ